

籌辦夷務始末

同治朝
卷十九之二十

347.911
S0000

籌辦夷務始末卷之十九

同治二年癸亥八月戊寅定邊左副將軍明誼奏奴才竊遵

旨於六月初九日將將軍印務交代麟興接署即日起身赴塔爾

巴哈台候議分界二十一日抵科布多首臺該處參贊大

臣廣鳳率同派委查界之章京員外郎銜阿克敦佈等在

彼等候商辦該章京等面稟查勘情形並呈繪圖均尚詳

備據廣鳳面稱已奏明派阿克敦佈隨同等前往會議並

述前在科布多境俄人兵隊滋擾及查明舊有俄人建蓋

木房三十餘間各情數與奏稟無異其俄人拘牽蒙古守

卡弁兵隨卽放回擄去馬匹什物查無去向無從窮追所

有木房現住之人十二名。均各馴順。事久相沿。現在未便嚴逐。致開爭鬭等語。奴才屬其鼓勵在事員弁。小心防範。仍通飭與俄境連界之烏梁海人等。自固藩籬。暗中抵禦。暫示羈縻。奴才於七月初五日始抵古城。今擬設法迅速前進。以慰

聖鑒。

明誼。又奏。再正具摺聞。七月初六日。接准伊犁將軍常清。六月初一日來文摺。稟知伊犁五月十六十九等日。派往博勒胡吉爾等處防堵之官兵。已與俄人接仗二次。互有殺傷。緣俄兵係哈薩克領兵帶來。助逆滋擾。其哈薩克台

吉鐵色克為助虐罪魁。必須擒剿究辦。自係迫於勢不容
已。為擒賊擒王斧底抽薪之計。行令_{奴才}與明緒俟與俄使
會議時。將此肇端緣由。切實與該夷言明。屬其勿再輕聽
哈薩克之言。速撤兵隊。以固和好等因。_{奴才}屆時自當與明
緒照依所屬。與夷使設法剖辯。以杜該國狡賴釁端。但恐
該國竟不遣使前來。又將向誰理講。况夷情詭詐。豈肯平
心講理。折衝樽俎。恐難遽得消弭。常清摺內聲稱餉缺難
支。均係實在情形。日久相持。不堪設想。萬里請

命上勞

聖慮。亦恐鞭長莫及。如果該國遣使復來。臨時_{奴才}惟有與明緒等

審度時勢於利害兩形之下。酌其重輕。竭盡血誠。勉圖收束。同日又接明緒咨來。六月初四日具奏摺稿。內稱塔爾巴哈台夏設霍呢輝邁拉扈等三處卡倫。均被俄兵占據。俄國西悉畢爾衙門覆文。必須仍照去年所議。以常住卡倫為界。即來立界。否則毋庸再議云云。揆其情節。該夷想不即來會議。但前經我總理各國衙門。仍約其來塔垣會議。並^{努才}前行令其分路前來勘議。俱尚未見該國照覆。^{努才}既已遵

旨前赴塔垣候與會議。未便中途折回。自當前赴塔垣與明緒等會晤妥籌商辦。後奏明回任。用顧本轄境該國分路侵擾。

或照依分路勘議。以冀完此巨案。

諭議政王軍機大臣等。前據總理各國事務衙門奏。勘分西界事宜。當經諭令明誼。明緒。准照該使臣議單。照會該國西悉畢爾定期會勘。現在明誼已抵古城。著卽趲程前進。馳赴塔爾巴哈台。會同明緒。遵照前旨。迅卽照會該國西悉畢爾衙門。准照該使臣議單分界。令其星速派員前來會勘。迅卽辨結。毋致另生枝節。其分入該國之哈薩克。布魯特人等。及仍隸我界之哈薩克人。眾烏梁海蒙古等。分別安插羈縻之處。明誼。明緒等。務於分界時。與該使臣妥議章程。以弭邊釁。哈薩克台吉鐵色克。帶領俄兵滋擾邊卡。實屬可惡。並著明誼等斟酌妥協。設法將該

台吉擒獲究辦。以示懲儆。俾定界以後。該哈薩克人等各安邊境。不敢再行藉端構釁。方為妥善。

辛巳。伊犁將軍常清奏。竊查俄夷前因騷擾卡倫。奴才曾經

馳奏在案。五月十八日。據領隊大臣托克托柰報稱。五月十五日。官兵正在博羅胡吉爾一帶地方偵探。見俄夷與哈薩克手執白旗。排開四隊。賊匪甚眾。即向我兵施放火礮。火箭。領隊聞信。即派協領烏勒西春等帶兵前往堵禦。彼此互相攻擊。天晚各散。據烏勒西春回稱。帶領官兵擡礮前至畢爾布拉克地方。索倫兵丁正與哈薩克對敵。遙望哈薩克約七八百人。俄夷約二三百人。賊多兵少。恐有

貽誤。只得向賊匪開礮。賊匪始零星敗退。又總管富珠爾泰稟稱官兵殺斃哈薩克賊匪數名。其時哈薩克遂乘間搶奪馬匹牲畜。均係哈薩克頭人鐵色克主謀各等語。正在繕摺間。於五月二十日。據托克托索報稱。五月十九日申時。忽有俄羅斯哈薩克排列三隊前來撲營。賊勢甚重。將火箭炸礮大礮鳥槍向我營盤施放。馬步賊眾埋伏。從山溝繞出打仗。我兵亦施放槍礮拒敵。共殺賊將及百名。直至戌時。賊匪始敗入山灣而去。因眾兵均聽軍令。只准禦敵。不准窮追。現雖大獲勝仗。惟恐聚而復來。懇請速調官兵前來各等語。奴才查哈薩克種類繁多。良莠不一。其距

卡稍遠者。數十年來為該夷所役使。首鼠兩端。比歲以來。因我國羈縻俄夷。與之會議分界。俄夷漸萌驕志。肆意強橫。該哈薩克因而曲意承順阿附。五月兩次逞兵犯卡。查係哈薩克勾串前導。而台吉鐵色克實為禍首主謀。前次俄夷有哈薩克導伊等前來之語。是鐵色克之為厲階。實屬可恨。索倫兵丁等家屬近在邊卡。現與從夷之哈薩克有切齒之讐。經再三訓諭。只准禦敵。不准窮追滋事。始稍斂手。而其躍躍欲試之念。晝夜不忘。惟夷情叵測。難保不膚愬於該國大臣。誣我欺陵起釁。是在

聖明燭照萬里之外。知其奸謀。卽如城外貿易園。努才曾出告示。軍

民如有騷擾者。重治其罪。使俄人知我國正在會議分界。修好之際。總無用兵之心。皆係為哈薩克所愚。意欲出我不備。引之闖入伊犁卡內。肆其所欲。則界已占盡。更何由議分。努才於拜摺後。將此稟咨行明誼。錫霖。明緒。俾得悉情由。轉告該國大臣。破其詭譎。釋其疑慮。方保不致有礙分界之事。至伊犁城之內外軍民商賈。努才屢經安撫。毋令驚惶。現在托克托奈。既請添兵助守。努才遂將前次派出候調之官兵五百名。飭令協領富珠哩。管帶迅速前往。已嚴諭該將弁等。如哈薩克等仍來劫營偷畜。儘可大加剿戮。設能將鐵色克。拏解前來。自應訊明如何。煽惑起釁。數其辜。

負養之

恩。重治其罪。並令托克托素設法曉諭俄人。我國已有準備。萬不能任爾等徑入伊犁卡內。務卽休兵靜候辦理分界。切勿輕信鐵色克之言。致再敗辱。如該夷幡然悔悟。便可相安。惟求

皇上訓示遵行。

常清又奏。道光三十年。因哈薩克台吉都拉哩承襲伊父公爵。並推

恩將伊叔鐵色克。

賞給三品頂翎。令其幫同辦理屬下事宜。該哈薩克身受

皇恩至優極渥。宜何如奮勉出力。以酬

高厚之德。乃不但不效力圖報。且唆俄人逞兵犯卡。搶劫牲畜。似

此狼子野心。甘為叛逆。

國家名器。豈容此輩承受。相應請

旨將鐵色克三品頂翎台吉革退。以示懲儆。

常清又奏。竊照咸豐十一年二月。准王大臣來咨。設立總

理各國事務衙門。奏准章程。內有各國商情。按月奏報一

條。努才奉准後。將伊犁貿易情形。歷經按月奏報在案。茲據

營伍處呈稱。貿易園內。三月尚有俄人二十一名。自四月

初一日起。至五月十九日止。除陸續旋回外。現只有俄人

一名等語。奴才伏查現值哈薩克勾串俄夷。還兵滋擾之際。一時不能通商。所有奏報貿易情形。自難按月辦理。應俟分界議定後。俄人撤兵。照常貿易。彼時再行循例按月奏報。以符定制。至貿易圈內。我國近因用兵。加意安撫。照料事事。示以誠信。何以俄人不待文摺護送。竟自私行出境。僅止存留一人。奴才一面行文俄國。西悉畢爾衙門。咨詢原委。仍由明緒轉遞。謹將咨文恭呈。

御覽。

前任烏什辦事大臣文興。前任烏什幫辦大臣文藝。奏五月十三日。接准伊犁將軍常清來咨。現在伊犁西南正西。

西北博羅胡吉爾等處。有俄羅斯兵隊住紮。本處已派官兵分路堵禦。並移咨南路各城大臣查照。務飭所屬各卡倫。嚴加防範等情。十五日復准常清函稱。伊犁官兵已與俄人接仗等語。當卽諭令署阿奇木伯克胡達。挑派回兵二百名。責令幹練伯克管帶。前往巴什雅哈瑪。畢底爾卡倫各隘口。妥為嚴防。又於十六日。接准葉爾羌參贊大臣景廉來函。內云本月十二日。接據英吉沙爾領隊大臣托克托布函稱。據鴉布泉軍臺回子稟稱。喀什噶爾喀浪達卡倫附近。有布魯特數百人。騎馬前往哈哈轄爾一帶地方。巴爾昌卡倫。通透烏什路徑。密飭嚴為防守。等體察。

邊卡正北有通透伊犁捷徑。西南通透喀什噶爾所屬巴爾昌卡倫一帶。係布魯特遊牧之地。均與外夷接壤。現探得西山外布魯特等互相爭擾。此種布魯特有一千數百。多被外夷逐至海依里克地方住聚。距烏什遠在四五站之遙。首鼠兩端。難保不生覬覦。奴才等卽劄飭署營務副將托克托布等。將弁兵內選其年力精壯者派妥。豫為備敵。正在繕摺具奏間。於五月二十四日。接奉議政王軍機大臣密寄。四月初二日奉

上諭。聞逆首倭里罕在浩罕城內。是否被害。邪黑阿琿之子孫二人。是否現住烏什等因。欽此。奴才當即會同幫辦大臣文藝

密商。飭令印房回務。章京麟瑞。暗查密訪。探得實跡。密咨伊犁。葉爾羌商辦。惟北出貢古魯克。雅滿素二卡倫。七八日可達伊犁所屬科里愛曼地方。該處俄羅斯與布魯特交雜。詢得俄羅斯約有三百之眾。有句串布魯特之意。儻若俄羅斯出山。循約貿易。等密飭官弁。遵約相待。不得造次。或伊悖逆而出。亦設防備。相機而作。據前任烏什印房回務章京善魁呈稱。因案降四級調用。懇自備資斧。防堵效力。該員辦理夷務多年。地理情形。尚屬熟習。等語。即飭令帶領回兵。在貢古魯克。雅滿素卡倫隘口。小心防守。並時加偵探。於鎮靜之中。妥設不虞之備。